

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 84. sjednici, održanoj dana 20.11.2020. godine, d o n o s i

ZAKLJUČAK

o prihvatanju Informacije o koncesijama na području Zeničko-dobojskog kantona za 2019. godinu

I.

Prihvata se Informacija o koncesijama na području Zeničko-dobojskog kantona za 2019. godinu, Ministarstva za privredu/gospodarstvo kao obrađivača, koja čini sastavni dio ovog zaključka.

II.

Informacija iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 11-18255 /20
Datum, 20.11.2020. godine
Zenica

DOSTAVLJENO:

1x Ministarstvo za privredu,
 1x Stručna služba Skupštine,
1x a/a.



PREMIJER

Mirza Ganić

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA PRIVREDU/GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2019. GODINU

Zenica, oktobar, 2020. godine

**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2019. GODINU**

UVOD

1. DODIJELJENE KONCESIJE DO 2019. GODINE

1.1. Dodijeljene koncesije na istraživanje i eksploataciju čvrstih mineralnih sirovina do 31.12.2019. godine

2. DODJELA KONCESIJA U 2019. GODINI

2.1. Dodijeljene koncesije na istraživanje i eksploataciju čvrstih mineralnih sirovina u 2019. godini

2.2. Dodjela koncesija u postupku

3. KONCESIJSKE NAKNADE U 2019. GODINI

3.1. Jednokratne koncesijske naknade u 2019. godini

3.2. Kontinuirane koncesijske naknade u 2019. godini

4. PRIHODI IZ KONCESIJSKIH NAKNADA U 2019. GODINI

4.1. Prihodi od jednokratne koncesijske naknade u 2019. godini

4.2. Prihodi od kontinuirane koncesijske naknade u 2019. godini

4.3. Ukupni prihodi od koncesijske naknade u 2019. godini

4.4. Alokacija koncesijskih naknada po općinama Kantona u 2019. godini

5. RASHODI IZ KONCESIJSKIH NAKNADA U 2019. GODINI

5.1. Program utroška budžetskih sredstava od koncesija u 2019. godini

5.2. Realizovana sredstva shodno Programu utroška budžetskih sredstava od koncesija u 2019. godini

6. ZAKLJUČAK

UVOD

U skladu sa Programom rada Vlade Zeničko-dobojskog kantona za 2020. godinu i Programom rada Skupštine Zeničko-dobojskog kantona za 2020. godinu, Ministarstvo za privredu/gospodarstvo (u daljem tekstu: Ministarstvo) je sačinilo Informaciju o koncesijama na području Zeničko-dobojskog kantona za 2019. godinu.

Oblast koncesija uređena je zakonima o koncesijama,

- Zakon o koncesijama Bosne i Hercegovine («Službeni glasnik Bosne i Hercegovine», broj: 32/02),
- Zakon o koncesijama Federacije Bosne i Hercegovine («Službene novine Federacije Bosne i Hercegovine», broj: 40/02 i 61/06),
- Zakon o koncesijama Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 05/03),

U skladu sa navedenim, nadležnosti Kantona u oblasti dodjele koncesija su sljedeće:

1. istraživanje i/ili eksploatacija:
 - energetskih mineralnih sirovina (ugalj)
 - metalčnih i nemetalčnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljekovitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva za privredu/gospodarstvo su sljedeći predmeti koncesija:

- energetske mineralne sirovine (ugalj)
- metalčne i nemetalčne mineralne sirovine iz primarnih i sekundarnih ležišta;
- hoteli i ostali turistički objekti.

Ministarstvo do sada nije imalo zahtjeva i nije dodijelilo ni jednu koncesiju za hotele i ostale turističke objekte.

Ostvarenje djelatnosti istraživanja i eksploatacije energetskih mineralnih sirovina (uglja) i istraživanja i eksploatacije metalčne i nemetalčne mineralne sirovine iz primarnih i sekundarnih ležišta uređene je zakonima, i to:

- Zakon o geološkim istraživanjima Zeničko-dobojskog kantona („Službene novine Zeničko-dobojskog kantona“, broj: 8/12),
- Zakon o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12);

DODIJELJENE KONCESIJE NA ISTRAŽIVANJE I EKSPLOATACIJU ČVRSTIH MINERALNIH SIROVINA DO 31.12. 2019. GODINE

1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonu o koncesijama Zeničko-dobojskog kantona-Prečišćeni tekst («Službene novine Zeničko-dobojskog kantona», broj: 05/03), domaći i strani investitori su pokazali interes za dodjelu koncesija na istraživanje i eksploataciju čvrstih mineralnih sirovina, kako metaličnih tako i nemetaličnih. To su bili samoinicijativni zahtjevi (tj. javno oglašavanje) i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, roznaca, gabra, kvarenog pijeska i td., metaličnih mineralnih sirovina olova-ceruzita, cinka, barita, te istraživanje i eksploataciju uglja.

Kako postupak dodjele koncesije obuhvata pribavljanje niza stručnih mišljenja i saglasnosti, te obavezno raspisivanje Javnog poziva, proces do potpisivanja ugovora o koncesiji je relativno dug (minimalno šest mjeseci).

Poseban problem, posljednjih godina je bilo nepostojanje Zakona o šumama FBiH.

Zaključno sa 31.12.2019. godine, potpisana su 23 ugovora o koncesiji za istraživanje i eksploataciju čvrstih mineralnih sirovina.

Neki od ugovora su raskinuti, a neki su u fazi pripreme za realizaciju koncesionih projekata (istraživanje i eksploatacija mineralnih sirovina).

Pregled koncesionara (istraživanje i eksploataciju mineralnih sirovina) dati su u Tabeli 1.

Tabela 1. Pregled koncesionara (istraživanje i eksploatacija mineralnih sirovina)

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
1.	„TVORNICA CEMENTA „KAKANJ“ d.d. Kakanj	„Greiben“ i „Ribnica“ – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	„Golo brdo“ - Visoko	Istraživanje i eksploatacija opekarske gline	KC 002/2001 30.01.2001.
3.	„MGV - GRADNJA“ d.o.o. Zavidovići	„Sokolica“ Zavidovići	Istraživanje i eksploatacija krečnjaka	KC 004/01 22.05.2001.
4.	„RUDNIK KREČNJAKA „BREZA“ d.o.o. Breza	„Nedići“ – Breza	Istraživanje krečnjaka	KC 006/02 19.04.2002.
5.	„BBM VAREŠ“ d.o.o. Vareš	„Stijene“ – Vareš	Istraživanje i eksploatacija krečnjaka	KC 08/02 17.05.2002. Aneksi I i II 09.09.2002. i 13.09.2003.
		„Kota“ – Vareš	Istraživanje i eksploatacija krečnjaka i spilita	KC 08/02 17.05.2002. Aneksi I i II 09.09.2002. i 13.09.2003.
6.	„E&P“ d.o.o. Zavidovići	„Ribnica“ – Zavidovići	Istraživanje i eksploatacija	KC 18/06 26.04.2006.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR BROJ I DATUM
7.	„SANEX“ d.o.o. Breza	„Nezirov Gaj“ Breza	dijabaza Istraživanje i eksploatacija pijeska	KC 20/2007 23.04.2007.
8.	„CESTING“ d.o.o. Žepče	„Paprtnica“ Žepče	Istraživanje i eksploatacija dijabaza	04-18-23400- 1/08 od 19.10.2009. godine
9.	„LIBOS“ d.o.o. Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009.
10.	JP Elektroprivreda BiH ZD RMU „ZENICA“ d.o.o. Zenica	„Veliki gradac“ Moščanica - Zenica	Istraživanje i eksploatacija krečnjaka	04-18-12111- 1/10 21.09.2010.
11.	„AMINA TRADE“ d.o.o. Sarajevo	„Paska Luka“ Olovo	Istraživanje i eksploatacija krečnjaka	04-18-20939- 1/12 16.11.2012.
12.	„GEOMET“ d.o.o. Olovo	„Očekalj“ i „Prgoševo“ Olovo	Istraživanje i eksploatacija ceruzita	04-18-15242- 1/12 20.07.2012.
13.	„DIM KAMENOLOM“ d.o.o. Žepče	„Ograjna“ – „Željezno polje“ Žepče	Istraživanje i eksploatacija dijabaza	04-18-20940- 1/12 30.01.2013.
14.	„TRGOŠPED“ d.o.o. Kakanj	„Borovačke stijene“ Kakanj	Istraživanje i eksploatacija krečnjaka	04-18-397-9/03 od 01.10.2003. 04-18-2734- 1/11 od 26.05.2011.
15.	„ŽGP“ d.o.o. Zenica	„Široke stijene“ Zenica	Istraživanje i eksploatacija krečnjaka	04-18-15802- 1/13 28.08.2013.
16.	„KOMGRAD - ZE“ d.o.o. Zenica	„Crkvice - Kamenolom“ Zenica	Istraživanje i eksploatacija krečnjaka	04-18-15802- 1/14 17.12.2014.
17.	„ABLE INVESTMENT“ d.o.o. Sarajevo	„Morava – Krivodol“ – Župča – Breza	Istraživanje i eksploatacija krečnjaka	04-18-7636- 1/16 24.05.2016.
18.	„EASTER MINING“ d.o.o. Sarajevo	„Veovača 1. i 2.“, „Rupice- Juraševac“, „Brestič“ Vareš	Istraživanje i eksploatacija olova, cinka i barita i pratećih plemenitih metala	04-18-21389- 1/13 12.03.2013.

2. DODJELA KONCESIJA U 2019. GODINI

2.1. Dodjeljene koncesije na istraživanje i eksploataciju čvrstih mineralnih sirovina u 2019. godini

U 2019. godini nije potpisan niti jedan ugovor o dodjeli koncesija za istraživanje i eksploataciju čvrstih mineralnih sirovina.

Potpisan je aneks koncesionog ugovora sa jednim koncesionarom, i odnosi se na izmjenu cijene predmeta koncesije na ranije proširenom koncesionom polju gdje su istražni radovi potvrdili postojanje plemenitih metala. Zbog toga se morao mijenjati iznos kontinuirane koncesione naknade koja se plaća sa početkom eksploatacije mineralnog resursa. Naplata ove naknade je počela u maju 2020. godine.

2.2. Dodjela koncesije u postupku

Intenzivne aktivnosti su vodene u postupku pripreme dodjele koncesije za eksploataciju uglja u općinama Kakanj i Breza i Gradu Zenica, te rješavanja zahtjeva kod realizacije koncesionih ugovora u Općini Tešanj.

ZD RMU "KAKANJ" d.o.o. Kakanj

ZD RMU "ZENICA" d.o.o. Zenica

ZD RMU "BREZA" d.o.o. Breza

Ministarstvu za privredu Zeničko-dobojskog kantona, krajem 2017. godine, obratili su se privredni subjekti ZD RMU "ZENICA" d.o.o. Zenica, ZD RMU "KAKANJ" d.o.o. Kakanj i ZD RMU "BREZA" d.o.o. Breza, zahtjevima za dodjelu koncesije za istraživanje i eksploataciju mineralne sirovine uglja na području Općine Kakanj, Općine Breza i Grada Zenica.

U skladu sa Zakonom o koncesijama (Prečišćeni tekst) ("Službene novine Zeničko-dobojskog kantona", broj: 5/03), osnovni akt za procjenu postojanja javnog interesa (analizira se koncesioni projekat sa aspekta uravnoteženog regionalnog razvoja, ekonomskog, sociološkog, ekološkog, uređenja i korištenja prostora na kome se realizira projekat), od općinskih/Gradskog vijeća zatražena je Saglasnost za dodjelu koncesija.

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama ("Službene novine Federacije Bosne i Hercegovine", broj: 61/06) i članom 8. Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03), Ministarstvo za privredu obratilo se Načelnicima i Općinskim vijećima Kakanj i Breza, te Gradonačelniku i Gradskom vijeću Zenica, Zahtjevima za davanje Saglasnosti Vijeća za dodjelu koncesije za eksploataciju uglja na područjima navedenih općina/grada.

Saglasnosti općinskih vijeća predstavljaju polazni osnov Komisiji za koncesije za procjenu postojanja javnog interesa, što je prvi uslov za donošenje Odluke Vlade Kantona o pristupanju provođenja procedure dodjele koncesije.

Sve donesene saglasnosti sadrže određene elemente koje je nužno usaglasiti između aktera u postupku, uz uvažavanje zakonskih propisa, kao što su:

- koordinate prijelomnih tačaka istražno-eksploatacionog polja razlikuju se u studijama ekonomske opravdanosti dodjele koncesije i zahtjevima za dodjelu koncesije;
- zahtjevi koji se odnose na studije ekonomske opravdanosti dodjele koncesije, vezani za definisanje istražno-eksploatacionog polja vezani za proširenje, isknjiženje područja iz granica odobrenog eksploatacionog polja, obaveze rekultivacije eksploatisanog prostora;
- postupci koji su propisani drugim zakonima, a koje će koncesionar imati obavezu realizovati kod pribavljanja svih relevantnih dozvola za istraživanje i eksploataciju u istražno-eksploatacionom polju nakon ostvarivanja prava služnosti, odnosno potpisivanja koncesionog ugovora.

U saglasnostima vijeća su navedeni i oročeni uslovi koji se tiču realizacije drugih projekata, kao što su:

- Poduzimanje hitnih mera i aktivnosti (odmah) na sanaciji klizišta,
- Izgradnja asfaltnih saobraćajnica,
- Izgradnja transportnih saobraćajnica za uglj,
- Izgradnja postrojenja za tretman industrijskih otpadnih voda i dr.

Bitno je imati u vidu činjenicu da su elementi sadržaja Ugovora o koncesiji zakonom propisani i njime se uređuju međusobni odnosi, te prava i obaveze između koncesora i koncesionara.

Realizacija drugih projekata može biti predmet ugovora sklopljenog između zainteresovanih strana, odnosno između jedinice lokalne samouprave (JLS) i rudnika, a ne između koncesora i koncesionara.

Imajući u vidu prethodno, općinska i Gradsko Vijeće, načelnici općina i Gradonačelnik Grada, u saradnji sa rudnicima trebaju usaglasiti međusobne zahjeve, da bi se moglo pristupiti nastavku postupka dodjele koncesije.

U cilju nastavka provođenja procedure dodjele koncesije, od učesnika u postupku očekuje se sljedeće:

1. Od Općinskih/Gradskog vijeća davanje Saglasnosti za dodjelu koncesije za istraživanje i eksploataciju uglja, bez dodatnih zahtjeva prema koncesoru ili koncesionaru,
2. Od rudnika da dostave Dopunjene (usaglašene sa jedinicom lokalne samouprave) Studije ekonomske opravdanosti dodjele koncesije za eksploataciju mrkog uglja,
3. Da Općine/Grad i rudnici realizaciju drugih projekata urede posebnim ugovorima;

Bitno je napomenuti da su pokrenute tužbe zbog nastanka navodne štete po budžete općina, odnosno zbog nepotpisivanja koncesionih ugovora sa pomenutim rudnicima uglja, tužitelj Općina Kakanj (cca 42,2 + 5,5 miliona KM) i tužitelj Općina Breza (cca 20,3 miliona KM) (tuženi: 1. ZD RMU "Kakanj" d.o.o. Kakanj i ZD RMU "Breza" d.o.o. Breza, 2. Zeničko-dobojskog kantona i 3. Federacija BiH). Nakon niza provedenih procesnih radnji, Općinski sud u Zenici je 11.01.2018. godine donio Presudu kojom je tužbu Općine Kakanj odbio u cjelosti, što je uradio i Kantonalni sud u Zenici 19.04.2018. godine. Općine Kakanj i Breza nisu odustale od nastavka vođenja tužbe koristeći druge zakonske mogućnosti. Zbog pokretanja apelacije Općine Kakanj na pomenute presude, uz sugestiju Kantonalnog pravobranilaštva, postupak dodjele koncesije za istraživanje i eksploataciju uglja u Kantonu nije nastavljen.

Nadalje, u cilju olakšavanja uslova dodjele koncesije rudnicima mrkog uglja, na prijedlog Ministarstva za privredu Vladu Kantona je na 170. sjednici, održanoj dana 22.11.2018. godine, donijela Odluku o izmjenama i dopunama Odluke o utvrđivanju minimalnih naknada za koncesije, broj: 02-14-17397/18 od 22.11.2018. godine.

Na ovaj način su kreirane realnije pretpostavke za izmirivanje koncesionih naknada za istraživanje i eksploataciju uglja u Kantonu.

“AB-TRANS” d.o.o Tešanj

Aktom, broj: 04-18-6910/18 od 01.08.2018. godine, Ministarstvu za privredu Zeničko-dobojskog kantona obratilo se privredno društvo “AB-TRANS” d.o.o Tešanj, zahtjevom za dodjelu koncesije za istraživanje i eksploataciju krečnjaka na lokalitetu “Trepčko brdo”-Trepče, općina Tešanj.

Ministarstvo za privredu ZDK uputilo je Zahtjev Općinskom vijeću Tešanj, broj: 04-18-6910-2/18 od 11.10.2018. godine, za dostavu Saglasnosti Vijeća za dodjelu koncesije za istraživanje i eksploataciju mineralne sirovine krečnjaka na lokalitetu “Trepčko brdo”-Trepče, općina Tešanj.

Ministarstvo za privredu/gospodarstvo je Rješenjem, broj:04-18-6910-3/18 od 30.01.2019. godine, imenovalo Komisiju za dodjelu koncesije na predmetnom lokalitetu. Općinsko vijeće Tešanj dalo je Saglasnost za dodjelu koncesije za istraživanje i eksploataciju mineralne sirovine - krečnjak, broj:01-49-2-2888-4/18 od 28.12.2018. godine.

Daljnji postupak dodjele koncesije je nastavljen u toku 2019. godine.

Komisija za dodjelu koncesije, poštujući zakonom propisanu proceduru, pošto je utvrdila postojanje Javnog interesa za dodjelu koncesije za istraživanje i eksploataciju mineralne sirovine krečnjaka na lokalitetu “Trepčko brdo”-Trepče, općina Tešanj, predložila je Ministarstvu da pokrene proceduru za dodjelu koncesije.

Vlada Zeničko-dobojskog kantona, na 4. sjednici, održanoj dana 07.05.2019. godine, je donijela Odluku o pristupanju provođenja procedure dodjele koncesije za istraživanje i eksploataciju krečnjaka na lokalitetu “Trepčko brdo”, Općina Tešanj, broj: 02-18-7742/19 07.05.2019. godine

Nakon što je Objavljen Javni poziv i provedena procedura izbora najpovoljnijeg ponuđača, Vlada Kantona je na II. sjednici, održanoj dana 28.06.2019. godine, donijela Odluku o dodjeli koncesije privrednom društvu „AB TRANS“ d.o.o. Tešanj za istraživanje i eksploataciju krečnjaka na lokalitetu „Trepčko brdo“, općina Tešanj, broj: 02-18-10705/19 od 28.06.2019. godine.

3. KONCESIJE NAKNADE U 2019. GODINI

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali mineralne sirovine u određenom vremenskom periodu, a prema visini naknade koja je definisana koncesionim ugovorom.

Koncesionari koji, nakon dobivene dozvole za eksploataciju, nisu uspjeli eksploatisati niti minimalnu ugovorenu količinu, koja je definisana koncesionim ugovorom, dužni su platiti kontinuiranu koncesionu naknadu za ugovorenu minimalnu količinu mineralne sirovine.

Dešava se da pojedini koncesionari ne vrše redovno uplate, i to zbog situacije na tržištu ili unutrašnjih reorganizacija. Zbog toga i prenos sredstava jedinicama lokalne samouprave bude usporen. To utiče na ukupan iznos naplate u jednoj kalendarskoj godini. Najčešće pred sami kraj godine vrše se uplate pa se desi da je u jednoj godini uplata sredstava, a u drugoj kalendarskoj godini prenos sredstava općinama.

Vodi se uredna evidencija o ukupnom dugovanju svakog koncesionara i ukupan dug svakog koncesionara je kontrolisan. Nadalje, Ministarstvo je poostriilo sve potrebne mjere na naplati koncesione naknade (protestiranje mjenica i pokretanje tužbi).

Međutim, u cilju približavanja zahtjevima i interesima i mogućnostima investitora Ministarstvo je razmatralo mogućnosti izmjene iznosa koncesionih naknada.

Ministarstvo za privredu/gospodarstvo pripremlilo je Informaciju o koncesionim naknadama, a potom - na osnovu Zaključka Vlade, broj: 02-18-15930/19 od 25.10.2019. godine, Ministarstvo je Rješenjem, broj: 04-18-15930/19 dana 22.11.2019. godine, formiralo Interresornu radnu grupu sa zadatkom:

- detaljnije razmotriti visinu koncesionih naknada koje su propisane Odlukom o utvrđivanju minimalne naknade za koncesije („Službene novine Zeničko-dobojskog kantona“, broj: 6/13, 16/18) i
- nakon razmatranja i analiziranja iste, predložiti odgovarajuće izmjene predmetne Odluke.

Imenovana Radna grupa je upoređujući Metode utvrđivanja i obračuna, te iznose jednokratne i tekuće kontinuirane – godišnje koncesione naknade u Zeničko-dobojskom kantonu sa postupcima i iznosima iz bližeg (Federalnog) i šireg (regionalnog) okruženja, konstatovala da su predloženi izmjenjeni iznosi koncesione naknade u Kantonu optimalno utvrđeni iz razloga što su konačni iznosi naknada prosječni, s tim što su metode utvrđivanja jednostavnije i transparentnije u odnosu na druge.

Pošto je Interresorna radna grupa izvršila zadatak i pripremila prijedlog izmjena iznosa koncesionih naknada Ministarstvo za privredu je uputilo prema Vladi Kantona Prijedlog Odluke o izmjeni koncesione naknade što je Vlada i usvojila Odlukom o izmjenama Odluke o utvrđivanju minimalnih naknada za koncesije, broj: 02-11-6038/20 od 30.04.2020. godine.

Po osnovu jednokratne koncesione naknade u 2019. godini nije bilo uplaćenih sredstava jer nije potpisan ni jedan novi ugovor, a niti anex ugovora zbog proširenja koncesionog polja.

Po osnovu kontinuirane koncesione naknade u 2019. godini uplaćeno je ukupno 1.214.868,60 KM.

Upoređujući podatke iz prethodnih godina sa podacima za 2019. godinu, može se zaključiti sljedeće:

- Nastavljen je trend da privredni subjekti sa potpisanim koncesionim ugovorom, koji nisu vršili eksploataciju mineralnih sirovina u 2018. godini, nisu vršili eksploataciju niti u 2019. godini.
- Obaveze, odnosno dug koncesionara po osnovu koncesionih naknada za 2019. godinu su povećane u odnosu na prethodne godine. Razlog tome su donesene sudske presude i obračun zateznih kamata i sudskih troškova.

Tabela 2. Stanje ugovorenih obaveza po osnovu koncesionih naknada za eksploatacane količine mineralnih sirovina prema zapisnicima za 2019. godinu

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2019. godine /KM/	Uplačeno u 2019. godini /KM/
1.	"TRGOŠPEJ" d.o.o. Kakanj 01.10.2003.	33.000,00	17.080,40	49.918,40
2.	"IJBOS" d.o.o. Žepče 11.12.2009.	17.000,00	29.374,00	13.100,00
3.	"SANEX" d.o.o. Breza 23.4.2007.	10.000,00	20.000,00	0,00
4.	"CESTING" d.o.o. Žepče 19.10.2009.	16.000,00	45.000,00	0,00 (protestirana mjenica na iznos 32.000,00 KM)
5.	"AMINA TRADE" d.o.o. Sarajevo 15.3.2004.	11.000,00	21.000,00	1.000,00
6.	"DIM KAMENOLOM" d.o.o. Žepče 30.1.2013.	17.222,00	91.972,91	0,00 (protestirana mjenica na iznos 36.000,00 KM)
7.	"RKB" d.o.o. Breza 1.10.2003. Raskinut ugovor (06.08.2019. godine), a potom je poslovni subjekt u stečaju	20.000,00	Stanje obaveza na dan 30.06.2019. godine iznosi 350.049,33 KM (osnovica + kamate)	45.000,00 (vansudska nagodba iznos: 407.828,03 KM)
8.	"BBM VAREŠ" d.o.o. Vareš 17.5.2002.	43.500,00	0,00	76.124,42
9.	"E&P" d.o.o. Zavidovići 26.4.2006.	37.500,00	9.375,00	65.625,00
10.	"MGV GRADNJA" d.o.o. Zavidovići 22.5.2001.	28.000,00	98.143,98 <i>Ne računajući sporne količine utvrđene kontrolnim mjeranjem 76.233,22 KM</i>	177.394,52 Vodi se sudski spor radi spornih količina koje su utvrđene kontrolnim mjeranjima
11.	"GIM" d.o.o. Visoko 30.10.2001.	Shodno eksploatacisanim količinama	6.340,80	18.704,72
12.	"TVORNICA CEMENTA KAKANJ" d.o.o. Kakanj 12.9.2000.	Shodno eksploatacisanim količinama	90.989,15	430.661,58

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2019. godine /KM/	Uplaćeno u 2019. godini /KM/
13.	„ABLE INVESTMENT“ d.o.o. Sarajevo 24.5.2016.	22.500,00	50.625,00	0,00
14.	„ZGP“ d.o.o. Zenica 28.8.2013.	38.800,00	60.908,06	100.000,00
15.	ZDRMU „ZENICA“ d.o.o. Zenica 20.04.2010.	21.000,00	53.080,00	20.000,00
16.	„KOMGRAD – ZB“ d.o.o. Zenica 17.12.2014.	33.620,00	10.820,24	0,00
17.	„GEOMET“ d.o.o. Olovo 20.07.2012.	180.000,00	45.000,00	180.300,00
18.	„Almy Transport“ d.o.o. Zenica /Ugovor raskinut/	5.040,00	0,00	5.040,00
	UKUPNO		649.709,54	1.214.868,60

Određeni broj privrednih subjekata sa potpisanim koncesionim ugovorom u 2019. godini nije vršio eksploataciju mineralnih sirovina. Ovo je vrlo zabrinjavajuća činjenica koja može biti posljedica više faktora, a neki su:

- Došlo je do razlike u kvalitetu eksploatiranih mineralnih sirovina, tako da su se mnogo više potraživale i eksploatirale kvalitetne mineralne sirovine u odnosu na one sa lošijim kvalitetom;
- Lokacija (udaljenost) kamenoloma u kojem se vrši eksploatacija od većih privrednih centara (Sarajevo, Zenica, Visoko, Kakanj), te opterećenje cijene koštanja čvrste mineralne sirovine cijenom transporta. Sirovine nisu konkurentne cijenom u odnosu na bliže kamenolome kod kojih je cijena transporta niža;
- Vjerovatne unutarnje slabosti, što se posebno odnosi na „Libos“ d.o.o. Žepče, „Cesting“ d.o.o. Žepče, „Able Investment“ d.o.o. Sarajevo, „RKB“ d.o.o. Breza i „Amina trade“ d.o.o. Sarajevo.

4. PRIHODI OD KONCESIONIH NAKNADA U 2019. GODINI

4.1. Prihodi od jednokratne koncesione naknade u 2019. godini

Obzirom da nije potpisan ni jedan novi ugovor o koncesiji, a niti anex ugovora radi proširenja koncesionog polja to nije bilo ni naplate jednokratne koncesione naknade.

4.2. Prihodi od kontinuirane koncesione naknade u 2019. godini

Ukupan priliv sredstava od kontinuirane koncesione naknade u 2019. godini iznosi 1.214.868,60 KM. Ovaj iznos se odnosi na uplate koncesionara shodno njihovim ugovornim obavezama.

4.3. Ukupni prihodi od koncesione naknade u 2019. godini

Ukupni prihodi od koncesione naknade u 2019. godini su jednaki zbiru:

- prihodi po osnovu jednokratne koncesione naknade	0,00 KM
- prihodi po osnovu kontinuirane koncesione naknade	1.214.868,60 KM
UKUPNO	1.214.868,60 KM

4.4. Alokacija koncesionih naknada po općinama u 2019. godini

Shodno Odluci Vlade Kantona, broj: 02-14-2098/13 od 24.01.2013. godine ("Službene novine Zeničko-dobojskog kantona", broj: 1/13), o načinu rasporeda sredstava od koncesija, uplata koncesione naknade (i jednokratne i kontinuirane) dijeli se između jedinice lokalne samouprave na čijem području se nalazi koncesiono polje i Kantona i to u omjeru 70 % : 30 % (JLS : Kanton).

Ostvareni prihod po osnovu koncesionih naknada u 2019. godini iznosi 1.214.868,60 KM i izvršena je alokacija prema jedinicama lokalne samouprave na čijoj teritoriji se realizuje koncesioni projekat.

U budžetskoj 2019. godini, prema podacima Ministarstva finansija, uplaćeno je na ime jednokratne i kontinuirane koncesione naknade 1.214.868,60 KM, od čega je alocirano općinama/gradu 831.775,18 KM i Kantonu 383.093,42 KM.

OPĆINAMA (JLS): iznos 831,775,18 KM

KANTONU: iznos 383.093,42 KM

UKUPNO 1.214.868,60 KM

Tabela 4. Alocirana sredstva koncesionih naknada prema općinama Kantona

R. br.	OPĆINA	ALOCIRANA NAKNADA U 2018. GODINI /KM/	ALOCIRANA NAKNADA U 2019. GODINI /KM/
1.	ZENICA	114.257,18	162.568,00
2.	KAKANJ	318.898,31	242.733,13
3.	BREZA	82.457,40	31.500,00
4.	VISOKO	11.014,92	13.093,30
5.	ZAVIDOVIĆI	87.150,00	170.113,66
6.	ŽEPČE	49.630,00	31.570,00
7.	OLOVO	134.854,38	126.910,00
8.	VAREŠ	636.379,90	53.287,09
	UKUPNO	1.434.642,09	831.775,18

5. RASHODI IZ KONCESIONIH NAKNADA U 2019. GODINI

5.1. Program utroška budžetskih sredstava od koncesija za 2019. godinu

Budžetom Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), za realizaciju projekata Vlade koji se finansiraju iz prihoda od koncesija odobren je iznos 1.200.000,00 KM.

U skladu sa navedenim, Ministarstvo za privredu je donijelo Program utroška budžetskih sredstava od koncesija, usvojen Zaključkom Vlade Kantona, broj: 02-14-7747/19 od 07.05.2019. godine.

5.2. Realizovana sredstva shodno Programu utroška budžetskih sredstava od koncesija u 2019. godini

U periodu I – XII 2019. godine, po Programu utrošena su sredstva u iznosu 907.119,46 KM.

1) Za sufinansiranje pripreme i izgradnje poslovnih zona na području Zeničko-dobojskog utrošena su sredstva u ukupnom iznosu 887.078,62 KM, kako slijedi:

Tabela 5. Pregled sufinansiranja pripreme i izgradnje poslovnih zona

R. br.	OPĆINA	POSLOVNA ZONA	PROJEKTI	IZNOS POTICAJA PO PROGRAMU (KM)		
				Program I	Program II	Ukupno
1.	Maglaj	“Liješnica”	Nastavak izgradnje primarne servisne saobraćajnice		142.000,00 KM	142.000,00 KM
2.	Tešanj	“Glinište”	Sanacija i proširenje komunalne infrastrukture saobraćajnica I i III		150.000,00 KM	150.000,00 KM
3.	Vareš	“Kram”	Uređenje građevinskog zemljišta		120.000,00 KM	120.000,00 KM
4.	Grad Zenica	“Zenica I”	1) Izrada Glavnog projekta saobraćajnice br. 8 sa fekalnim kolektorom- Faza V 2) Izgradnja saobraćajnice br. 7, 7a i 7b sa pripadajućom infrastrukturom	5.078,62 KM	150.000,00 KM	155.078,62 KM
5.	Usora	“Srednja Omanjska”	1) Izrada Glavnog projekta i infrastrukturnog uređenja 2) Rekonstrukcija prometnice Faza II	10.000 KM	150.000,00 KM	160.000,00 KM
6.	Žepče	“Radovlje”	Izrada projektne dokumentacije	10.000 KM		10.000 KM
7.	Grad Visoko	“Ozrakovići”	Izgradnja saobraćajnice		150.000,00 KM	150.000,00 KM
UKUPNO:				25.078,62 KM	862.000,00 KM	887.078,62 KM


Dio preostalih sredstava su utrošena za rad Komisije za praćenje realizacije ugovora o koncesijama i za kontrolna geodetska snimanja i obračun otkopanih i odloženih količina mineralne sirovine na kamenolomima koncesionara.

Ukupno u 2019. godini prema Programu utroška budžetskih sredstava od koncesija utrošeno je **907.119,46 KM**.

6. ZAKLJUČAK

Analizirajući podatke prethodnih godina, i upoređujući sa podacima iz 2019. godine, može se zaključiti sljedeće:

- nastavljen je trend da koncesionari koji nisu eksploatisali mineralne sirovine u 2018. godini, nisu vršili eksploataciju mineralnih sirovina ni u 2019. godini;
- nastavak izgradnje trase autoputa na koridoru V-C kroz područje Zeničko-dobojskog kantona trebao bi rezultirati povećanjem potražnje za proizvodima od mineralnih sirovina, što bi znatno poboljšalo stanje kod koncesionara.



Pripremila:

Selma Bašić, šefica Odsjeka za koncesije, energetiku i rudarstvo